

文徵

貴陽府志

卷之三

貴陽府志餘編卷之十三

知貴陽府事泰和周作揖夢巖輯

知貴陽府事博白朱德璣綴堂刊

文徵十三

何宏士 以下元

翠屏山

俗山如俗人。過眼不相識。據鞍無好詩。羈思拍胸臆。
行行見翠屏。景意兩相適。煙蘿幕青黛。山厓削蒼碧。
雲霞油然生。櫺櫓森以立。鳴禽遞清響。飛泉散珠急。
我疑有幽人。相傍崖居密。朝餐紫霞英。暮啜香松實。

范梈

貴州

離思久不愜。幽情晚旋添。天宜明月獨。山與宿雲兼。
蛩語通文柱。蛛絲映捲簾。若無光霽在。何以破朱炎。

李景山

過將柯江

歸歟何日是。真歸。愁媿山林與願違。垂老八千餘里。
識。回頭四十九年非。窮邊弓水黃雲度。夢裡田家白。
板扉。珍重沙禽頻見下。也應知我久忘機。

陳孚

過牂柯江

青草風吹毒霧腥。交州何在海漠漠。牂柯已恨天涯遠。又過牂柯十二程。

宋 裴

送李文清之官八番宣慰司幕中

武昌城外柳如絲。曾見吳儂笑詠詩。張緒而今漸憔悴。定應不似昔年枝。

恭閱惠皇帝 以下明

寓金筑

風塵一夕忽南侵。天命潛移四海心。鳳返丹山紅日

遠龍歸。滄海碧雲深。紫微有象星還拱。玉漏無聲水
自沉。遙想禁城今夜月。六宮猶望翠華臨。
閱世移嚴著。懶敲笑看茅屋寄團瓢。南來瘴嶺千層
迴。北望天門萬里遙。款段久忘飛鳳輦。袈裟新換袈
龍袍。百官此日知何處。惟有羣鴉早晚朝。
寥落西南四十秋。蕭蕭白髮已盈頭。乾坤有恨家何
在。江漢無情水自流。長樂宮中雲氣散。朝元閣上雨
聲收。新蒲細柳年年綠。野老春聲哭未休。

王訓

南庵

浮渡招提舊結茆。地偏應不近塵囂。山腰倒接城邊路。水口斜通閣外橋。深院落花無客埽。空門掩戶有誰敲。忘懷好結蓮花社。分付山僧早見招。

送陳昌歸隱東山

百里花封早掛冠。東山深處好盤桓。公卿不入新來夢。父老猶思舊任官。鞭犢試耕雲半畝。聞雞常臥日三竿。不應海內思霖雨。却使蒼生望謝安。

貴州客夜

瘦馬蕭蕭控朔風。山如列戟路如弓。窮荒未必堯封到。絕域曾勞漢使通。暴客尙存愁逆旅。奸諛不死恨

英雄玉關牢落天門遠。誰獻平蠻第一功。
百戰休題馬上勞。烽塵久不到征袍。曾於丹徼提三
尺。羞向青銅見二毛。壯志于今成潦倒。芳名自古屬
英豪。夜窓獨坐誰知己。銀漢無聲北斗高。
野戍啼斷夜沉沉。山館挑燈只苦吟。填海已無精衛
力。憂天空有杞人心。亡羊路險豺當道。倦鵲巢寒雪
滿林。和得陽春徒自爾。更闌無處覓知音。

黃
詞

登東山

城上旌旗帶雨懸。城中草樹晝生煙。山光水色迷千

里人語鷄聲。傍一川。望眼漫勞迎過雁。愁懷無奈聽啼鵲。登臨且上最高處。驕首南荒欲問天。

杭淮

送王陽明謫官龍場驛

白日野中微。浮霾結朝陰。送子遠行役。躑躅傷我心。豈無良朋儔。不如子同音。寂寞及窮荒。誰能念浮沉。願爲碧玉軫。相隨麗瑤琴。

王守仁

初至龍場無所止結草庵居之

草庵不及肩。旅倦體方適。開棘自成籬。土階雜沙礫。

迎風亦蕭疎。漏雨仍寂歷。靈瀨嚮朝湍。深林凝暮碧。
羊獠環聚訛。意厚語殊劇。鹿豕且俱遊。性類況同錫。
汚樹映瓦豆。盡醉不知夕。緬懷黃唐化。略稱茅茨迹。
始得東洞遂。改爲陽明小洞天三首

古洞闕荒僻。虛設疑相待。披萊歷風磴。移居快幽境。
營炊就巖竇。放榻依石壘。穹室旋熏塞。夷坎仍漚埽。
卷帙湯堆列。樽壺動光彩。夷居信何陋。恬淡意方在。
豈不桑梓懷。素位聊無悔。

童僕自相語。洞居頗不惡。人力免結構。天巧謝雕鑿。
清泉傍厨瀉。翠霧還成幕。我輩日嬉偃。主人自愉樂。

雖無檠戟榮。且遠塵囂錯。但恐霜雪凝。雲深衣絮薄。
我聞莞爾笑。周慮愧爾言。上古處巢窟。杯飲皆汗樽。
泓極陽內伏。石穴多冬暄。豹隱文始澤。龍蟄身乃存。
豈無數尺橡。輕裘吾不溫。邈矣簞瓢子。此心期與論。
謫居糧絕。請學于農。將田南山。永言寄懷。

謫居屢在陳。從者有愠見。山荒聊可田。錢鏹還易辨。
夷俗多火耕。倣習亦頗便。及茲春未深。數畝猶足畋。
豈徒實口腹。且以理荒宴。遺穗及鳥雀。貧家發餘羨。
出來在明晨。山寒易霜霰。

南山觀稼

下田既宜稂高田亦宜稷。種蔬須土蔬。種蕓須土蕓。
寒多不實秀。暑多有螟蠹。去草不厭煩。耘禾不厭力。
物理既可玩。化機還默識。卽是參贊功。毋爲輕稼穡。
西山採蕨
採蕨西山下。攀援陟崔嵬。遊子望鄉國。淚下心如摧。
浮雲塞長空。頽陽不可回。南歸斷舟楫。北望多風埃。
已矣供子職。勿更貽親哀。

青巖採薪

倚擔青巖間。礪斧巖下石。持斧起環顧。長松餘百尺。
徘徊不忍揮。俯略澗邊櫟。同行笑吾餒。爾斧胡弗擊。

懷意豈不能。物材各有適。畱取支大厦。勿復輕棄擲。

龍居雜詩四首

在龍塲作

倚倚

倚倚澗邊竹。青青巖畔松。直榦歷冰雪。密葉畱清風。
自期永相託。雲壑無違踪。如何兩分植。樵悴嘆西東。
人事多翻覆。有如道上逢。惟應歲寒意。隨處還當同。

南溟

南溟有瑞鳥。東海有靈禽。飛遊集上苑。結侶珍樹林。
願言飾羽儀。共舞簫韶音。風雲忽中變。一失難相尋。
瑞鳥旣遭廢。靈禽投荒岑。天衢雨雪積。江漢虞羅侵。

哀哀鳴索侶。病異飛未任。羣鳥亦千百。誰當會其心。
南嶽有竹實。丹溜青松陰。何時共棲息。永託雲泉深。

溪水

溪石何落落。溪水何泠泠。坐石弄溪水。欣然濯我纒。
溪水清見底。照我白髮生。年華若流水。一去無回停。
悠悠百年內。吾道終何成。

山石

山石猶有理。山木猶有枝。人生非木石。別久甯無思。
愁來步前庭。仰視行雲馳。行雲隨長風。飄飄去何之。
行雲有時定。遊子無還期。高梁始歸燕。題鵠已先悲。

有生豈不苦。逝者長若斯。已矣復何事。商山行采芝。
龍岡新構

諸夷以予穴居頗陰濕。請構小廬。欣然趨事不月。
而成。諸生聞之。亦皆來集。請名。龍岡書院。其軒曰
何陋。

適居聊假息。荒穢亦須治。鑿巘薙林條。小構自成趣。
開窗入遠峯。架屏出深樹。墟塞俯逶迤。竹木互蒙翳。
畦蔬稍漑鋤。花藥頗雜蒔。宴適豈專予。來者得同憩。
輸與匪致美。毋令易傾蔽。

營茅乘田隙。治旬始苟完。初心待風雨。落成還美觀。

鋤荒既開徑。拓樊亦理園。低簷避松偃。疎土行竹根。
勿剪墻下棘。束列因可藩。莫擷林間蘿。蒙籠覆雲軒。
素缺農圃學。因茲得深論。毋爲輕鄙事。吾道固斯存。
諸生來龍岡。

簡滯動罹咎。廢幽得幸免。夷居雖異俗。野樸意所眷。
思親獨疚心。疾憂庸自遣。門生頗羣集。樽俎亦時展。
講習性所聚。記問復懷覩。林行或沿澗。洞遊還陟巘。
月榻坐鳴琴。雲窓臥披卷。澹泊生道真。曠達匪荒宴。
豈必鹿門栖。自得乃高踐。

西園

方園不盈畝。蔬卉頗成列。分溪免甕灌。補籬防豕決。
蕪草稍焚薙。清雨夜來歇。濯濯新葉敷。熒熒夜花發。
放鋤息重陰。舊書漫披閱。倦枕竹下石。醒望松間月。
起來步閑謠。晚酌簷下設。盡醉卽草鋪。忘與隣翁別。
水濱洞

送遠憇岨谷。濯纓俯清流。沿溪涉危石。曲洞藏深幽。
花靜馥常閤。溜暗光亦浮。平生泉石好。所遇成淹留。
好鳥忽雙下。鯁魚亦羣遊。坐久塵慮息。澹然與道謀。
龍場無寐二首

烟燈暖無寐。憂思坐長往。寒風振喬林。葉落聞廳響。

起窺庭月光。山空遊罔象。懷人阻積雪。崖冰幾千丈。
窮崖多雜樹。上與青冥連。穿雲下飛瀑。誰能識其源。
但聞清猿嘯。時見皓鶴翻。中有避世士。冥寂栖其巖。
繫予亦同調。路絕難攀緣。

與龍岡諸生夜坐

謫居澹虛寂。渺然懷同遊。日入山氣夕。孤亭俯平疇。
草際見數騎。取徑如相求。漸近識顏面。隔樹停鳴騶。
投轡雁鷺進。攜榼各有羞。分席夜堂坐。絳螭清樽浮。
鳴琴復散帙。壺矢交觥籌。夜弄溪上月。曉陟林間邱。
村翁或招飲。洞客偕探幽。講習有真樂。談笑無俗流。